

新刻羣音類選

新刻羣音類選卷二十四

虎林 胡氏 文會堂 校選

四賢記

除夕夜宴

集賢賓峭黃昏一枝梅破臘清香透徹窓紗綠依依
柏葉青髻挿碧澄澄杯泛椒花臘殘景斜瞬息裡東
皇排駕合傾玉笋過此夜又改年華前腔戎家守歲
宣櫪馬烈烈炬散林鴉你玉骨冰肌真淡雅燈兒下
花神增價情聯意洽桃源裡頓忘歸駕合前黃鶯兒
柳眼漏春華不勢利遍汀沙誰憐幽草垂楊下今年

是咱、明年是咱、怎尋竹葉留羊駕、仰天訝、小星瑟瑟
三五照奴家、猫兒墜、霓裳一曲、清峻調音佳、今夕今
年醉碧霞、明年明日歲增加、堪誇、聽鼎沸笙歌、看座
列嬌娃、前腔、纏頭蜀錦、燦爛似明霞、舞罷釵橫髻欲
斜、勸君爛醉是生涯、堪誇、看水注銀餅、浸着梅花、

扇枕供親

孝順歌、棘薪子、聖善娘、昊天德、不可量、夏日亢炎陽、
萱花怕鞅掌、蓼我惆悵、欲引清風、明月先穿帳、顛倒
王祥、母臥涼冰上、清晝長、枕簟涼、母愛涼、子愛日兒
長、前腔、齊紈素、似雪霜、一時雙玉弄影忙、纖手補衣

裳暫僭代黃香、婦隨夫唱、素質生風、慈幃飄颺、湘簾
生冰、姑射仙清爽、炎帝降火、德藏親體涼、媳婦也心
涼、

香柳娘、嘆西嶠夕陽、嘆西嶠夕陽、只願孤軀無恙、夫
妻好合、娘心暢、苦炎熱正芳、苦炎熱正芳、冰液浸方
床、身在瑤池上、似陰團綠楊、似陰團綠楊、暑氣渾消、
寒生梅帳、

園林好、吾不是空桑自長、却當把豺狼自想、怎不若
慈烏奉養、怎不若跪羝羊、江兒水、奴欲蒸蔬飯、羣酒
漿、躬調甘旨高堂上、孟母三遷多名望、徽音欲嗣何

霄壤青史芳名怎上也須把孝情勉強（僥僥令）飛熊
入夢象百順降禎祥姓字多應魁金榜全家受皇恩
承祿養（前腔）黃金不足尚安樂是禎祥海屋添籌青
鸞降年年捧壽杯浮綠醪（尾聲）家庭真樂無能尚不
改顏回陋巷惟願長庚照草堂

白衣送酒

（懶畫眉）携童躡屐上崔嵬白露清風玉宇來風摧梧
葉點蒼苔林塘趣妙錢難買分付兒童慢掃開（前腔）
有花無酒自徘徊今日何荒戲馬臺黃花恰似為予
栽杏村雖有尋常債嚴菊從今不必開（前腔）迢迢芳

徑襯芒鞋，朋酒橫擔步密挨。故人特地遣奴來。清官
濁酒無錢買，莫負東籬菊正開。前腔玉人憶別在天
涯，何不携琴載酒來。兩人花下共飛杯。醉來特下清
秋榻，一覺平明萬戶開。

桂枝香菊花可採，茱囊堪帶。風吹柳葉飄黃，露冷荷
消粉黛。把蓮房取來，把蓮房剖開。味清可愛，不勞錢
買。好開懷。且將白酒醒還醉，一任黃河去不回。前腔
瓊漿癖愛，金龜輕解。村深青旆難尋，頭上烏紗猶在。
那江州舊醅，喜白衣送來。量深似海，盛情難再。好開
懷。香醪擲地花迎笑，短髮飄風帽漸歪。前腔寬衣大

帶風流不改、摘花浸酒香浮、傾倒玉樽蕭洒、把花枝
急催、把酒卮慢推、花枝戀客、誰云量窄、好開懷、日沉
風起雲初散、海闊天低月易來、前腔清虛景界、暮嵐
靄靄、巨觥頻進何妨、達曙酣歌未艾、這詩人正該過
灞橋、滑苔事如山大、一傾酒海、好開懷、只愁明日黃
花瘦、那管今宵白雁哀、

父老追隨

昔天樂、若西歸、民無日、冷無衣、飢無食、畱無計、畱無
計、不憚追隨、盼清波、盡鷁斜飛、合呀、嘆吾民、運塞、潺
潺雨、淚重、見長江、連天秋水、秋水渺渺、增悲、北朝天

子風拂拂擺旗、雲片片濕衣、意懸懸難挽、征人旆、齊
齊疾首、看伊每慘悽、誰人知、歸來意、一錢投在池、黎
民頌口碑、罕罕希、罕罕希、駕蘭舟飄然去矣、飄
然去矣、方顯得名如蕙、方顯得名如蕙、普天樂、甘棠
遺只一憩、君攬轡、八十日、這騏驎、這騏驎、百里難羈、
憫眼前赤子無依、合前、北朝天子、葉酣霜、舞堤鷗戀
戀不飛、看雲山滿目、清秋氣、咿咿啞啞、聽雁唳也麼
悲、聽前村砧聲碎、白雲鎖翠微、行人歸未歸、數數期、
數期、數數期、俺山妻把門獨倚、把門獨倚、說甚麼、炊
戾戾、說甚麼、炊戾戾、普天樂、柳絲長、舟難繫、日沉西、

難揮戟、蒲帆急、蒲帆急、江水漪漪、望仙舟、佇立啼噓。
合前北朝天子、性愛丘山、杖藜樂田園、守拙歸、說甚
麼封侯拜將、敵國富、當朝貴、妻釀酒熟、取葛巾、鹿舊
醅、數盤食、鱸魚膾、桑樹顛、唱雞棲、菊開滿籬、吃幾盃
吃幾盃、吃吃幾杯、俺通兒覓梨與栗、俺雍兒昧六與
七、為甚麼、不沉醉、為甚麼、不沉醉、

嚙雪餐糞

三橋仙自從娘親別後、要相逢、不能覓、見親手澤、猶
如聚首、密密縫、牢牢構、親囑付教、我未寒先曳、裏拆
不散、這萬般愁、開不得、焦煩、苦口、嚙不下、喘吁吁的

伶仃餓喉、只落得破莎莎扯碎了斑斕舞袖、休休縱
療得一時饑、也到不得食天祿的時候、前腔只見白
茫茫堦前雪厚、怎禁得颼颼風驟、你道是空中撒鹽、
却冷落我調羹兩手、取得來怎下口、只餓得我骷髏
須餓不得我忠肝腐朽、只道他羶雪兩綢繆、一團都
是愁、害得我空腸惡嘔、便吃盡了這羶裘、也度不得
寒冬在、疲休休縱做不得食松辟穀仙儔、須做得箇
首陽山、太採薇的清叟、前腔還思飢飡虜頭、笑談裡
功垂宇宙、曾同為漢臣、你綈袍不戀舊、俺虎臣誰類
狗、漢冠裳怎從却、左袵鄙陋、兀不是季子敝貂裘、妻

奴見怎羞也、還勝錦衣歸來白晝、濱死在幽囚、怎想
黃冠在首、休休、生便圖麟閣上的儀容、死便做馬革
中的屍首、

四英傳

家傳凶信

黃鶯兒秋冷怯衣單、倚門時、日欲闌、空庭蟋蟀悲秋
晚、憂心最艱、淚珠雨彈、柰魚沉信杳、無來雁、合盼天
邊、山遙水遠、兩地裡恨漫漫、前腔風雨暗窓前、望天
涯、雲樹聯、嘹嘹孤雁悲腸斷、山含晚烟、霞平遠、天無
端、心事如麻亂、合前簇御林寒蟬噪、宿鳥還、看邊疆、

隔一天夕陽衰草晴山漱，怎能勾得母子重相見。
〔合〕免憂煎，金錢問卜，須有日返家園。
〔前腔〕愁難掃，苦怎延，密風尖，塞北寒，只愁他衣敝無人換，訴蒼天，孤獨也望方便。
〔合前〕

〔江兒水〕我神驚怖，氣轉迷，心頭烈烈如針刺，我的年老誰人相依倚，巴巴望你歸鄉里，教我怎生寬慰萬里關山，目斷烟雲難覓。
〔前腔〕心飄蕩，身似痴，誰知死在他鄉矣，你撇得我孤身無存濟，你的七魄歸何處，你的三魂何倚，杳杳冥冥嘆白骨，何人收貯。
〔前腔〕你本是青雲客，如今委土泥，當初只望同生外，又被雨

打風掀分飛去、捐生本欲從君逝、老也婆婆誰侍、千里求屍、怎比遑遑孟女、

王氏祭夫

駐雲飛、風入松間、倦傍粧臺、綉幙寒、風馬兒簷前轉、梧葉兒、皆零亂、恹恹望遠行人、珍珠簾捲、只見一剪梅開、雪鎖南枝遍、合怕聽霜天曉、角殘、前腔、秋夜月寒、淡蕩月雲高、遠天、雪鎖寒窗暗、節節高心恁、恹恹月落五更寒、金蕉葉展、忽聽鴈過沙鳴、寶鼎兒、香烟漫、合前、前腔、疎影穿簾、你魂望、甚日還、渾似天邊鴈、心意難忘、歎、茶、雙勸酒尊、

相思處、不得如阮郎歸。幾稱人心願。合前前腔、懶畫眉、鈿盒把香羅帶慢看。十二時思念、寒桂枝香淡、茶意不盡懨懨。四邊靜掩、似隔斷小重山、紅綉鞋移遍。合前

十孝記

黃香扇枕

孝順兒

孝順歌

人生在天地中、父天母地恩並隆、百

行孝為宗、無方養偏永、若是親心冗冗、

江兒水

寧可

兒身遭磨弄、況親當溽暑難承奉、怎得涼颼時送、萬慮千思除是、把枕席搨涼供用、前腔想那蚊蟲類、都

向暖處攻兒身在房內蚊作業也省得聚庭中偏將
我二親擁看紗幮影空莫使蚊蠅翻乘空親常永夜
增煩冗更使兒心含痛安得秋來篋笥齊統無用前
腔房兒內熱似烘思親睡時苦蘊隆豈不欲臨風要
孩兒有何用聊伸寸束把枕席搦涼將親奉晨昏定
省多慚悚身是親身為親用侍婢雖多怎稱得兒心
種種前腔觀前史稱孝童未聞留意在衾枕中爹媽
受涼風教兒苦匆冗使親懷增痛猛可裏教人心悲
悚我追思子職渾如夢安得將親承奉今日箇江夏
黃香與世上兒郎作誦

兄弟爭成

尾犯玉芙蓉

尾犯序

我擁衆在林麓從來與伊跡遠

形疎非我追尋你自身投山塢窮途因老母粥食未
敷採山蔬窮採深阻

玉芙蓉

你家何處有資糧幾許

便同行運取莫躊躇前腔何須問及我茅廬饕餮
乏又何積貯老母八十願勿將他驚懼你既貧窶終
不然教咱望虛且將伊零割慢煮容歸舍看慈親飲
膳便相隨到寨裏送微軀前腔窺牆見賊徒把吾兄
抑勒忿忿難蘇送或愚民要與那樵子為徒那樵夫
他與我同胞共母他是長承顏更苦不如我安居適

體更豐肥堪與做朝舖前腔觀他那體膚比伊兄果然更覺豐富綁縛歸山做幾日乾脯孤負我二親劬勞愛撫我兄長殷勤教育今日裏安親代長這鴻毛一灰豈為徒梁州賺刀下跏趺莫將他少年驚懼你一言既出許咱受死更無慮聽誰語却又把兒郎併驅伊兄弟自家來此求代汝是咱體肥兄體癯請君擇取請君擇取鮑老兒小人壯年死亦足若殺他真冤苦況他傍母似鳬雛留兄長持門戶看他爭死相回護這友愛世間無吾今將你都饒恕成伊孝友名目死而復甦同胞盡得全體膚一家感君恩義篤你

也那無麥幾年間賣着的是錦片也似庄宅將他腳
頭裏懷內子撇在九霄雲外俺如今出得這長街可
便休將俺本心遮蓋南榴花泣石榴花你將咱母子
平白兩分開又還要割捨嬰孩你身依萱草在庭堦
教我柔枝嫩葉何處托根芽也難說命該生的是
你要將咱賣泣顏回且回家拜別婆婆念劬勞枉自
哀哀北石榴花你還想蕤藜沙上野花開我怕你一
去不回來則這做婆婆的不怪你箇小嬰孩自古成
人不自在你不必延捱你待學文王下馬將荆條拜

我之意舍勾也黑勾半乞走川一

奈他道是母子已分開。南晉天樂我爹爹不擔帶。把
親生子。在凶年賣。應難道行孝的。便沒有箇嬰孩。却
不道。絕戶堪哀。幸得無人願買。匆匆出去。快快回來。
北闢鵲鵲。俺又不圖甚。米麥升量。又不要銅錢買百。
但得他養贍周方。免了俺家緣窘迫。爭奈十謁朱門。
九不開。孩兒也怎生的歸去來。則索要縛你在枯楊。
我可也別無計策。南漁家燈是孩兒歿限難捱。被爹
爹百計安排。見一箇赤兔如金。猛可裏道傍行邁。極
開必有那窩巢在。取將去不須錢買。若有人來。將兔
兒共揣。又不如賣却小孩。北上小樓呀。這一箇毛團。

好怪、陡變了黃金成塊、這是俺老母財星、幼子食神、
苦盡甘來、天賜黃金、為孝兒郭巨把妻逐兒賣、怎做
得龐居士滿船空載、南撲燈蛾天親不可絕、客路常
相待、勸母莫傷悲、從此團圓康泰也、將何佈擺、適纔
的天救您兒災、免將兒無端縛賣、天憐愛、賜黃金因
父孝心來、北煞尾抵多少逢春花再開、你元來有時
還自來、將你做糟糠婦相看待、早難道拾得箇孩兒
落得摔、

衣蘆御車

勝如花、風烟阻驛路深、相顧聲嘶意慘、看今冬三白

呈祥料明年三農大稔、又恐他貧兒悲噴、合這寒威
教人怎禁、這愁端教人怎尋、日隱雲沉、日隱雲沉、比
朝來寒甚、行到處冰壺常浸、望中迷玉樹陰森、望中
迷玉樹陰森、前腔瞻雲念愛日心、到此聲吞氣飲、我
衰年稍覺淒淒、你緣何偏多凜凜、念蒲柳怎與喬松
同任、合前啄木鶯兒啄木兒蒙嚴指、乞霽顏、不想這
寒衣經父眼、學不得萊子承歡、怎消得五彩斑斕、早
難道北枝向寒南枝粲、春風一般誰相限、黃鶯兒想
是弟兄間、大家絮襖、我出外覺偏寒、前腔你休回護、
莫諱寒、我枯樹生稊空自赧、已知他有一樹榮枯也

只是暫遮爹眼、似伊孝心真無間、是爹累伊遭多難、

我到家間、須把後妻逐去、使孝子得身安、（簇袍黃）

（御林）你休含痛、將珠淚彈、為傷兒摧肺肝、因兒出母

須被人譏訕、這不孝終難挽、（皂羅袍）况慈親若在惟

兒受寒、慈親若去、四男影單、願爹聽取兒幾諫、（黃鶯）

（鬼）（合）免愁煩、衰齡弱質、取次恐摧殘、（前腔）我行和止

難上難、棄諸兒、我又鰥、孝兒怎免多憂患、好教我空

長嘆、四時節候、多溫少寒、春衣將試、何妨絮單、為兒

且托娘牽挽、（合前）

王祥臥冰

孝南枝

孝順歌

黃河水十月冰如今況逢臘月景怕

母面似冬凌兒身被凌併情知是我命只得苦告馮夷暫時相應再懇龍神救我多災書

（嶺南枝）

若是水

不解也是我沒孝情不如喪吾身目猶瞑前腔我除巾幘解帶鞋脫衣跣足拚剖冰擊碎這幾重凌淵魚怎藏影只見霎時光瑩豈是地轉陽和冰難堅硬未逢驚蟄先雷恐又違冬令這是神啓佑川效靈如今取河魚路無梗前腔看他來相傍如有情隨人打撈全不驚我何忍去煮為羹只因奉親命來時悲哽此去開顏每逢天幸如今將及家門想慈母迎門等只

見街市裏人沸騰、望吾家共馳騁、（前腔）承符檄徵俊
英、遙看德門和氣盈、好似履春冰、何來這榮命、急須
承領、聘你去別駕沂州、為你孝思篤行、吾弟孝友無
雙、敢是將他聘、須不為寵若驚、捧檄時、且與老親慶、

張氏免歎

憶鶯兒

（憶多嬌）

只為積罪業、逢數劫、和伊不得同晚

節、又不敢明言、只得吞聲別、

（黃鶯兒）

你受千磨萬滅、

心灰鬢雪、你他年屬續和誰訣、淚成血、還愁天譴、不
得與夫主葬同穴、（前腔）你看天漸熱、雲漸遮、午時將
近我魂轉怯、你午膳誰供、只怕添悲咽、情兒枉切、信

兒怎說、你還道無端半日相拋捨、事差迭、無常來到、
誰許慢周折、前腔匹婦節、不向閨外說、誰知達上天
帝關、不把我寒微身名減、人兒在那些、村兒中聽說、
相攜相賀離茅舍、轉悲切、驚魂喪膽、休道事奇絕、前
腔奴命劣、為前世業、夜來得夢說、被雷震滅、只恐婆
婆心驚怯、誰想神明又說、憐奴孝節、婦姑增笑把奴
身赦、喜重疊、福緣善慶、好做話兒說、

薛包被逐

攤破金字令、身供子職、畢竟心常欠、慈闈意改、猛可
將兒閃、一樣孩兒、偏我貽危遭險、縱然慈親偏向、把

我孝心遮掩、我爹行為何亦見嫌、他翩翩遶珠簾、喃喃語畫簷、我着意窺覷、恐觸威嚴、趨前躲後、常自檢、夜雨打梧桐、浮雲起、白日潛、驀忽地、雨霰霰、轉慊慊、苦的是塵途客店、喜的是久旱三農、顚望、說是霈澤、均霑、一般雨露、有沾不沾、聽爹行問詰、教我難前難、閃、願你將兒軫念、眼頻瞻、我不及先晨省、還愁他意、不忤、

劉家誰教你、誰教你、檀自到家內、定省晨昏、豈容輕廢、休為不才兒累、爹嘔氣、打你巧語花言、磕牙料嘴、前腔權停杖、權停杖、望乞恕兒罪、年幼無知、偶違親

意若是不遵依、打教做鬼、生死由親、敢相規避、前腔
聞知道、聞知道、員外開炒起、為甚把大官人打得狼
狽、昨日趕出門、又來嘔氣、伏望停嗔、免傷貴體、前腔
清晨裏清、裏因甚惹閒氣、外寢不安、早歸承直、豈
料霎時間、觸爹怒起、只道有甚差池、原來恁地、

駐馬泣顏回

駐馬聽

我一向着迷、自有佳兒、自不知

把你千磨百滅、碎打零敲、折挫禁持、也知骨肉怎分
離、只為毫釐之謬、差千里、駐馬聽
合到如今、感悟前
愆、待明朝、勸取回歸、前腔老僕何知、只恐多言不見
幾、幸喜恩東追悔、父子重歡、主僕無疑、有誰還講是

和非免教惡事傳千里合前

徐庶見母

綉太平

綉帶兒

只為英雄主遭逢不偶懷寶正當求

售纔運謀要雪恥除兇未能勾得滅寇興劉醉太平

為書郵聞親羈寫在皇州奉慈諭怎生拖逗是兇疎

漏一時誤落巨奸機前腔你悠悠君親事倉皇錯

謬今日枉自投首可不孤負了魚水雲龍枉送我在

虎穴狐丘你休憂他與伏龍雛鳳氣相求網結就定

無逸獸我要做雉經絕脰且看斬蛇逐鹿計謀成就

東甌金蓮子

東甌令

兒不肖重親憂肯背君親却事

雙從今減口應無咎任凌逼甘心受居他簷下且低
頭奎蓮王看取那報國心望懸懸早晚定須酬前腔
你閒垂釣謾藏閫喫緊奇功須要收發縱誰復稱功
狗肯落在蕭何後你空將陵母告拘囚少不得到烏
江眼睜睜豪舉一時休

狐白裘記

馮驩彈鋏

青納襖因甚的食無魚列几筵謾教我倚青萍歌未
宣下弓旌應只禮華國彥遠庖厨豈能稽名世賢到
不如困簞瓢樂道閑却怎的謁簪纓甘味淡方丈器

珍知甚年、前腔、因甚的出無車徒步艱、謾教我發悲
歌、眉不展、想當初端凝駕華轂、迤到如今只落把長
缺、彈不能勾、憑軾遊誇主賢、却怎的逐人行愁路遠、
志遂題橋知甚年、前腔、念我每久無家誰肯憐、空自
裡檢行裝餘一劔、似楊花飄飄向風裡轉、若萍星急
急在波底旋、食有魚怎解得涸轍慙、出多車怎免得
無輓、嘆樂爾妻孥知甚年、前腔、我本是潤崑崙壁自
妍、休得要笑胡盧疑襲燕、處君囊方信着錐立見、試
庖刀始知那牛不全、謾誇他客如雲皆可觀、豈知我
心似葵終不變、鞭鐙微勞如有年、

鷄鳴過關

鎖南枝身顛沛命坎坷唾罵昭王心太多險歎夢南
柯孤裘脫奇禍忙宵遁氣怎蘇那管雪迷路前腔星
光燦月影踈途中雪明如畫呵馬足疾如梭歸心大
刀剗追將至怎奈何只恐關難過前腔心雖急步怎
那未審函關開也麼躡後有兵戈關門又加鎖諒難
脫把劒磨刻刻免遭挫前腔休造次莫見差我有良
謀關可過立功効脫網羅豈敢相耽誤

彈鋏記

彈鋏三歌

北中呂粉蝶兒日暮途窮、做將來一場春夢、恁的是
好意相逢、想着那五陵豪極、品貴是福田曾種、我可
甚怨殺天公、也只是待時而動、醉春風不想畫堂賓、
肯羨侯門寵、轉令愁緒亂填胸、到紛紛冗冗、回首家
山、故交何處、怎捱饑凍、迎仙客彈長鋏、曲未終把滿
懷壯氣閑摩弄、有誰知、還自懂、祇緣伊飲醵藏鋒、可
知道單少魚、殮奉上小樓、我是箇天際冥鴻、則待向
雲邊昂聳、怎隨他梁燕同巢、山鷄共啄、野鵲為籠、好
着我進不遇、退又空、觸藩無用、因此上把吳鉤自吟
自諷、么他敢是顛倒英雄、則莫要羈縻麟鳳、假若是

老母終堂、生妻去室、蕩絮無踪、伴一箇、啣着松、吸了
風、在紫霞深洞、甚來由、消破那酸齏鹽甕、耍孩兒、我
半生來、奔走難旋踵、為貧寒、轉展西東、五豪家、不是
辟旌弓、祇憐我、飄泊如蓬、青絲白馬、烟花裏、盡敲朱
輪錦綉中、少甚麼、天閑鞍、却教我、脚跟無線、終日價
納履、友筇、五煞、調楚些、非本宮、抗秦聲、遏遠空、篋來
字字、愁腸湧、逃名肯、學披裘叟、嘆世真、成帶索翁、也
不是、無輕重、見了那、秉軒委珮、怎着我、退食從容、西
煞、踰遍風塵道、蹬開虎豹業、這皮鞋、慣向泥途踊、青
霄無路、成高跨、白屋何緣、滯淺蹤、枉自把、流年送、直

要我天涯踏破、舉步龍鍾、三煞八駿馬、五花驄、驅馳
九折心無恐、蒲輪穩聘非為罕、金勒騎嘶豈是豐、何
用相誇美、只看我前綏得路、守轍成功、三煞只見那
瀟瀟鐔上花、錚錚匣底虹、故園有蝶難通夢、床寒總
把牛衣蓋、厨冷誰將玉粒供、這無家嘆、真堪痛、只落
得懸旌心上、怎能勾縮地壺中、尾聲似哀啼、嶺畔猿
若悲吟砌下蛩、東君果肯捐餘俸、我這遭、誤箇擊壤
歌兒去堂上咏、

焚券赦債

青衲襖

我只見內帑中儘羨餘、左藏間多積聚、便不

比鑄山煮海誇雄富、早難道食鼎鳴鐘、媿漏腴、少甚
麼錢多滿載車、又何勞券契堆成簿、怎教我空把脂
膏浚下愚、前腔他終日珥香貂、擁綉襦、坐文軒、居峻
宇、只待要上林借爾棲全樹、也則是滄海憐才握寸
珠、既蒙將玉饌俱、又早把金尊舉、却笑你似立仗朝
朝費粟芻、前腔我只憐你白頭人厭草蔬、又愁你青
雲士安貧、怎知道哀哀寡婦誅求苦、也難教蠢蠢
羸童生計踈、你好去度朝昏、守故廬、務耕桑、供常賦、
這化雨仁風是上相教、前腔我惟得你似要盟、總可
諭、又何必質空文強索取、只當個雲霄上輕羽飛、鄧

林中垂朽株、你爭知三千客、少五銖、我只把百萬緡
歸一炬、且看那燼滅烟消竹帛虛、

撲燈蛾、窮簷澤並濡、節屋春皆煦、當此湛恩日、真箇
二天得所也、共歡呼拜舞、生民從此樂樵蘇、望蒼穹
庇吾君主、願駢來五福、永遠享無虞、前腔、清如一玉
壺、潔似三珠樹、哀我遭貧乏、真箇不侵絲縷也、這蒸
黎黔庶、吹噓俱已在康衢、望蒼穹庇吾恩主、願加來
九錫、永遠享無虞、尾聲、牛刀暫起絃歌舉、勝有棠陰
蔽帝詛、呪還羞五父、

端陽為壽

梁州序星經南極虹流僊掌佳氣光浮歲降薰風初
度懸弧喜值端陽只見榴花紅吐艾葉青垂鑑鑄盤
龍象願持長命縷侑蒲觴一縷還添一歲長合神仙
侶義皇上天中令節真堪賞無疆壽有誰量前腔深
慙及戶追思負襁猶幸到今無恙良辰交勸合歡繒
綵生光況有金釵疊勝玉臂縈絲銀索鮫綃帳時清
閒赤紱漫平章不博三閭楚粽香合前前腔暈羅輕
細疊宮裝齊紈素新鏤月樣這慙慙宸眷荐承靈貺
正是佳人雪藕公子調冰淑景移蓬閣芳華薰翠金
沐蘭湯蘭館鳴環畫鳳翔合前前腔赤靈符勝納千

祥、凡桃印全祛百瘴、荷封人祝語、自慙台望、且看菖
華泛酒、菰葉黏觴、組綉開屏障、五共應可辟、佩珠囊、
未用殲梟作鼎羹、合前節節高、崗陵有頌章、滿門墻、
泰山北斗胥瞻仰、似川方漲、日漸昇、松初長、籌添海
屋原非誑、遐齡定在千春上、合歲歲年年進壽卮、朱
明正及葵榴放、前腔清歌樂未央、遶華堂、三千鳥履
紛相向、蕭韶響、鸞鶴翔、簾櫳晃、濃陰綠樹欄杆傍、爐
烟細細遊絲樣、合前尾聲生兒重午為卿相、對景正
宜酣暢、萬古教人說孟嘗、

狗盜狐裘

北端正好禁城寒宮門夜望遙天月黑星斜聽蓮花
玉漏輕輕瀉早則把身軀起（滾綉毬）靜踰着風簾行
忙隨却雲影疊驀越過九重臺榭儘撐持三尺鎚鉚
潛跡如冰上狐疾走似坡下車甚的是撮絨滕負囊
揭篋枉教他藏局鏑霧鎖塵遮身輕一鳥心無險諾
重千金力自竭怕甚麼打草驚蛇（倘秀才）嘆蒙茸晉
邦的可嘆論干求秦姬的怎賒一腋千絲勝兔且又
不是負薪曾反衣敝縕可同車儘吠聲獬也（滾綉毬）
我甚工夫採錦囊抵多少窺金穴單揣邦白狐輕借
管教他紅粉徧奢活蹬開虎豹關生扭斷後攬掇急

荒荒黑貂忙卸、喘信信黃犬粧呆、偷天手段從今試、
報主心腸只恁些、不是妖邪、醉太平這衣冠的俊傑、
是穿窬的大俠、篋來桺蹠何差別、你只看紛紛鼠輩、
堪依社重重兔窟齊連野、個個狼貪載蒲車、問何如、
狗耶、尾聲休將盜賊名兒赦、總是卑污不當此、那偷、
藥嫦娥奔更絕、亡璧張儀枉自嗟、竊位滅文恁樣奢、
檀國田文忒作邪、這盜字兒分明難掩遮、比着俺也、
不差的三舍、

鷄鳴度關

朝元歌、嘹嘹鴈聲、半落平沙影、蕭蕭樹聲、慘淡邊雲、

冷極目荒郊、黃昏人靜、破月依稀下嶺、促駕登程、啣
枚疾如飛羽、輕馬首見長亭、高山擁縣青、合征途暮
景、何日到臨淄舊境、臨淄舊境、前腔鼓角綠邊巡警、
風前馬迭鳴、羈客正魂驚、野曠更深川、源迴磴、頓覺
萍蹤無定、絕徼縱橫、寒山積雪疑曙生、戍火亂如星、
燕霜愁倍增、合前前腔鷄口寧辭僥倖、先傳報曉聲、
蒼距振玄膺、三唱繞鳴、爭教引頸、祇為稻梁恩勝、迭
和群賡、膠膠月痕、茅店聲、開鎖縱長鯨、垂雲飛大鵬、
合前前腔刀斗風塵邊競、追思是履冰、雄劍漫哀鳴、
城上胡笳、催人歸興、凜冽霜威襲領、夜氣淒清、迢迢

故山猶幾程，客况已曾經。艱難軼道行，合前

追思彈鋏

北新水令。憶當年彈鋏寫悲歌。到今日恰成奇貨。秋蓮花一朶，宵練玉雙梭。儘可橫磨，儘可橫磨，撐持得。天闕破，駐馬聽。劈畫風波。三尺光芒寒噴火，持携賓佐。七星流曜，晚如磋。黃金散盡，薛名科。青萍直指秦王座。這些時還結果。幾番家曾把英雄挫。鴈兒落。想着他戟為門，可雀羅。玉為堂如雲過。寂寞煞錦綉窩。冷落着穢黷，得勝令。我只要把樞具挂庭柯。干越委階沙。囊底收承影，床頭匣太阿。誰也麼歌。把一箇

烏妙帽還休裹、由也麼他、把一領皂貂裘倒換簑、
弟兄我則見他左駿右駿、似風了魔、不飲泉舉國狂
如簸、不舖糟舉世醉如疴、不乘槎舉世沉如墮、梅花
酒他那里醜形容有許多、入室又操戈、平地又張羅、
對面又裝攤、弄得俺難存坐、喫緊的自揣摩、似清流
混濁河、這的是鷄與鳳不同窠、冰與炭免同鍋、分玉
石、異山河、辨龍蛇、各水波、收江南我則見堂上花與
綵舞拖、閨裏佳人鼓瑟和、新開華構有鳴珂、不是咱
自可、這功名真與蒯緱多、

分金記

分金讓義

紅袖襖俺本待要芥千金重久要慕通財盡友道怎
做得饜海壩任公釣煮斥鹵枯海島空做了逐蠅頭
的壘斷曹鸞魚鹽的膠鬲朝到如今雖則是失利一
時也肯負着蘭金氣味高前腔恁却羨那膠漆堅固
綈袍恁却羨那雉壇前盟言好恁却羨那活斗水的
調酣酒怎知那時未逢困鼓刀怎知那分甘貧終簞
瓢到不如迓青山伴採樵怎說得志氣凌雲也須效
取巢由應自老前腔恁為甚的冒風波萬里遙為甚
的戴星霜不自保為甚的北堂中冷落了萱花草為

甚的綉屏前忘却了寶瑟調、謾說那重交游、意氣高、
即據俺相濟心意不小、諒這些區區微金也、何必推
辭空自勞、前腔俺怎效那競錐刀的市井曹、俺怎效
那餽羶腥的求溫飽、俺怎效那貪苟得的違聖教、俺
怎效那取與廉德義交、恁到做了貯千金等一毛、俺
怎做得溝壑身人所誚、區區您這些囊金也、猛可的
合已從人苦自勞、

憶多嬌君高誼、凌雲日、分金德讓誰人可及、愧彼世
情、風波得失、合中心感激、中心感激、須信金蘭氣味、
前腔同心意、何足異、平生氣義、昭揭天地、肯效區區、

交情勢利合前聞、黑麻蝸角虛名、蠅頭末利、空教同
心、分手異域、此一去、豈終寂、計就屠龍、橫飛三尺、合
鵬程暫息、扶搖終有日、還擬雲霄、同風奮翼、前腔堪
嘆人生飄飄踪跡、斷行離群、燕南鴈北、從此別、須努
力、慰我離思、音書莫惜、合前

膠漆記

落第自嘆

泣顏回、扼腕攬吳鉤、光芒空射牛斗、淹埋塵土、何日
得薛燭相留、聽他龍吼、看劍花羞澁、誰磨垢、好比我
彈鋏長歌、向權門淚洒繡綬、前腔言言痛刺我心頭、

指望桂折高秋、豈知薰蕕不剖、皆緣命途逗遛、勸兄
免憂、整頓折桂攀花手、終有日、翰苑香流、又何須眉
睫雙愁、前腔、賢弟聽我說、因由、椿萱終日凝眸、遭不
偶、抱璞固自交流、耿耿心憂、歸去時、怎見我親白首、
記臨期、妻室叮嚀、到今日、敝盡貂裘、前腔、吾兄空自
轉煩愁、投筆有日封侯、你看孫山外友、紛紛各擁歸
舟、或馭輕騶、畢竟是成虛走、須速整行李、歸鞭莫縈
牽、親倚南樓、尾聲、憎此地、莫淹留、買船沽酒大刀頭、
澆破胞中萬斛愁、

雙鳳齊鳴記

營中比試

新水令對清風長嘯氣冲霄、播英聲鐵鎗名耀、拔山
舉鼎力、斬將搥旗豪、堪嘆兒曹、到向女娘下聽提調、
駐馬聽頂禮恭告、相愛何須相戰角、軍聲沸號、一天
橫霧陣雲高、星門月老怎輕招、沙場外那有個冰人
到、須屏開金孔雀、更何消旌列翠鷄翹、沉醉東風自
俺鎗由來的路迢、字鑄定緣分堪消、自幼時刷馬江
洲、淤土內藏茲寶、嘆沉埋我李全同調、自那日神堂
曾夢、關侯曾遭、子雲曾教、早傳就金鎗秘學、鴈兒落
伍、相國提鎗把楚國梟、有項羽親把秦灰掃、漢翼德

曾樵丈八矛、唐敬德橫槊、烏纓罩、得勝令、呀、論武穆
鎗法最高標、敵手沒低高、春舞龍蛇蟄、晨搖神鬼號、
鋒交急、早尋君平去卜、難逃、一鎗兒命不牢、喬牌兒
畫堂笙管鬧、羞鼓撞、亂心苗、聽鶯聲一轉把威風掃、
錯道淹這條鎗、不似你那亂相挑、甜水令、只你那裊
裊纖腰、瑩瑩素手、金蓮丁倒、越顯體妖嬈、更有英氣
人驚、半神人愛、兩般才料、管都取受用、今宵、折桂令
為甚麼龍爭虎鬪、要鳳友鸞交、鎗尖兒恐挑斷姻親、
皮膚兒可有福來撓、願輸也心樂、他必手相携、身兒
湯着、雨點的梨花亂攪、定知是春意相拋、殺時他似

蝶困蜂勞、又不是雨散雲消、莫道授受難親、我下手
休逃、錦上花聽聲兒哥哥、竟飛漂渺、到手的姻緣、將
士休朝、你調弄着精細兒語言、做作你既道身值千
金、怎被俺携抱、當初那一言、白物已染皂、芙蓉帳不
就密約、到中軍有甚發落、須見伶孤身捨命結好、碧
玉簫專望吹簫、經月秦樓有願、續鸞膠、經月琴臺悄
心似搗、急煎煎情怎熬、你金屋又嬌、俺東床又少、休
辜負青春去了、鴛鴦煞眼中疑是夢中覺、交鋒不似
交歡樂、唉你個俊豪、却怎麼臉兒涎、心兒怯、身兒弱、
休道是海棠聽覷得近、他滋味兒、嚐覺到早、鐵鎗漢

這番輸了、暝子裡兩心知。機闔兒自此曉、

白海棠記

郊外邂逅

新水金鑑、帆江上欲歸來、步風雲、性情豪邁、望天門、
舒壯懷、惜芳菲、遍九垓、花滿歌臺、羈逆旅、又三載、前
腔、白雲橋畔、海棠開、響笙簫、午風一派、歇鞍歸柳巷、
停棹上花街、復去翻回、問春色可相待、步步嬌、萬井
樓臺、沙市春如海、柳林風月、江山外、荊州稱勝槩、深
院宜春、奉迎冠蓋、樂府按韶音、四海交時泰、折桂金
錦叢中、香閣崔嵬、天外鸞飛、雲裏蓬萊、却回頭、燕倩

鶯猜管絃合韻、羅綺交輝、真個是絕、
了繁華、滿六街、太平時盛、留連光景、
佐王心在、鳳闕龍池、遙望著、
去路無媒、江兒水、柳暉宮眉展、
花殷笑、臉開、玉釵飛燕、回光彩、
九霄遺下風流態、相逢不入龍華會、
聲價連城難買、白日青天、自結同心、
羅帶、馬兒落、聽鶯聲、嬌歷歷、
花外來、午風和香馥馥、飄蘭芷、
暖輕雲、浮翠藹、都做了鶯花會、
俺這裡自疑猜、與聲的難布、擺怎
能勾便放懷、和諧、只為這閒行惹了
多情債、轉一磨、回、莫不是散消災、
仙子下瑤臺、（使使令）閒消吞海氣、
枉却濟川才、翻做了混塵俗、年少客、
他待要撰天章、

把雲錦裁、收江南、呀、元來是青錢萬選才、奪韶光、轉
三台、見壽陽宮額點寒梅、那瓊花嫋娜倚雲開、笑盼
春滿腮、可不顛狂了蝶使、怨蜂媒、園林好、聽高歌詞
體勝玉臺、想英雄淹滯在草萊、敢則是良緣佳會、猛
可見大襟懷、端的有出羣才、沽美酒、覩多嬌、勝似那
萱菴含胎、却怎的、獨自個儘徘徊、假若搖蕩春心誰
主宰、烟花錦綉堆、護神女翠華飛、燕子樓事情更
改、雲雨夢密地相催、把風韻太平車載、這光景青蚨
錢買、我呵、想平生負才棄才、抱懷遣懷、呀、滿腔春氣
吐雲雷、兀的鬼叅神會、尾聲、春光滿面生文采、幸喜

從今觀學海、想必是因緣終有在、

瓊臺記

玩月闌情

賞宮花明蟾漸華、羨良宵景果佳、寶鏡開金匣、冰輪
嵌錦霞、合影入江心、龍錯認、掀波作浪、要吞拿、前腔
張騫泛槎、問君平數不差、馥馥香風動、霓裳舞落花、

合前

香羅帶風流眼見多、無緣奈何、凡人豈識真奇貨、淒
涼獨自倚松坡也、這悶懷今夜怎消磨、那怕他群鴉
鬧鳳窠、忍羞混入人叢也、巧遇看知音入綉窩、

漁家傲 文姓諱名簫慕親跋涉豈辭勞嘆年華運蹇
未能榮耀長吁萬丈氣冲霄離愁止有天知道孤辰
寡宿鸞凰未交空懷經史不得忠君盡孝前程萬里
何時到

皂羅袍 遠望多嬌輕態逞風情暗送香來雲端仙子
下瑤堦淡粧素靜自然多半采雲時間教我魂飛魄
散酥軟瘦骸急行尋遇無緣怎奈可憐我他鄉孤客
又染相思害前腔越想心中越愛美妖嬈嫵娜身材
人間那有這裙釵巫山神女與他難同賽曾見這般
清標壓衆想必是水肌玉胎天生艷質須諧秀才能

詞寶鼎和金瓶

元犯玲瓏言談志氣豪、溫存不賣貴、伶牙俐齒多乖
俏、動靜逞丰標、對月誇高興、貪花定趣饒、美文簫、姻
緣奇妙、你為留情魄散、我為你魂消、可憐剗衷露曲
恨、滔滔聲聲句句、都是相思調、望空吁嘆、嘆吁漸高、
我就該慇懃迎奉、斂容拜邀、莫鎖心猿定、何拴意馬
牢、瓊臺上、脫綉袍、揭開襦、帳任風騷、歡笑到明朝、前
腔、樵樓上鼓二敲、情哥路去遙、輕身慢出三清廟、恍
惚寂無寥、猛想耽驚怕、新絃不慣揉、轉心焦、奴因錯
認、滿滿相思重擔、今夜兩家挑、看你風流隊裡獨英

超我今番見了先賠笑暗暗的題名叫你叫得你心
神蕩飄你便就是淵明高士也應折腰仙島無瑕玉
文生着意雕雕鴛頸緊緊交必須雕得透心苗莫負
好良宵

憶多嬌秋夜涼秋月茫古樹秋蟬噪夕陽銀燭秋光
冷畫堂合秋正鷹揚莫為悲秋悵快前腔秋徑傍秋
菊黃恍惚秋螢耀粉牆皎潔秋蟾照象床合前前腔
秋樹蒼秋葉狂嘹唳秋鴻過土崗咕咕秋蛩開壁廂
合前前腔秋氣剛秋鶴昂薄薄秋雲去那方滴滴秋
波泪兩行合前前腔秋塢荒秋桂香蕭索秋風動彩

裳寂寞秋幃憶故鄉。合前前腔秋思長。秋抱傷。何處
秋砧敲斷腸。薄倖秋胡金戲桑。合前

香柳娘喜中秋月華。喜中秋月華。五雲捧駕。裝成紋
錦。開圖畫。散盡清光影。餘散盡清光影。餘玉兔搗靈
芽。寶鏡正中掛。合對嫦娥笑耍。對嫦娥笑耍。吐盡珠
璣。何須待價。前腔做當時泛槎。做當時泛槎。莫如此
夜風流。獨我無他亞。妙理玄機豈差。妙理玄機豈差。
魔舞敢稱誇。飄然羽衣化。合前前腔亂紛紛彩霞亂
紛紛彩霞。縱橫闢射。赤龍白蟒爭王霸。戰動娑婆影。
斜。戰動娑婆影。斜。歌罷哈哩哈。又唱咋光咋。合前前

腔廣寒宮桂花廣寒宮桂花香風落謝金蟾光耀葡萄架剔透玲瓏果佳剔透玲瓏果佳劣調掃琵琶相思幾時罷合前前腔這妖嬈那家這妖嬈那家馥馥渾身蘭麝何須羞掩鮫綃帕慢剖珠唇玉牙慢剖珠唇玉牙象板手中拿嬌聲甚幽雅合前前腔聽深塘鬧蛙聽深塘鬧蛙恍惚螢光高下情懷惱亂還驚怕我望冰輪想他我望冰輪想他若玷彩鸞瑕文簫許乘跨合前尾聲老天公情意寡霎時風雨兩交加樂已應歸莫怨嗟

巧緣同歸

黃鶯巧語鸞鳳喜雙飛、我你相思原來都是一樣的、
親親熱熱、但願如此常和氣、想前生必定有宿基、喜
今宵相逢偶期、天媒地妁、冰人月老、會合成姻契、笑
嘻嘻、若到霞帳中、挽同心帶結、結挽定了兩箇、比並
得身量兒一般齊、前腔邂逅做夫妻、樓抱着吐舌親
唇、和你貼玉肌、任天荒地老、死生、生、死、再不可輕拋
棄、對雙雙時時刻刻莫離、逐步步朝朝日日謹隨、願
在天作比翼、在地交枝、並並連根蒂、喜怡怡、猛想起
風流無窮的趣味、恨不得一步兒跨到了、你替我、我
替你、鮮羅衣、琥珀猫兒、層層隔隔、疑似上雲梯、鶴唳

蒼松夢已回、西風滿索兩微微、淒淒聽古洞悲悲切
切猿啼、前腔金爐烟盡、銀燭尚光輝、照比丰姿兩出
奇、你觀我觀、愈情彌相携、能喜愛馨甜美話投機、

新刻羣音類選卷二十五

虎林 胡氏 文會堂 校選

玉丸記

弄月阻興

排歌粉黛雲鬟天桃襯容早春一見心忡藏春灼灼
惹遊蜂不是羅浮一夢中眸光炯燭焰紅此身端的
到巫峯雲情重雨意濃有緣千里定相逢前腔巾幘
蒙衣喬粧女容輕浮陌上狂童明珠可惜棄泥中狗
盜狐裘夜入宮心如鐵節似松今宵誓成不相從空
行計枉用功無緣對面不相逢前腔擲杖為橋化成

白虹神機全籍羅公朱坪殫費學屠龍樊噲排門入
禁中芙蓉面、魂磊胸、因何作怪假朦朧、星追月、花趁
風、今宵必定要乘龍、前腔欲娶妻房、還須德容、遙奔
豈是三從、姻緣無始定無終、必得冰人月下翁、須少
緩媒一通、必諧伉儷、永相從、今環折、可作中、有如再
負天子躬、洞仙歌我立心非為同、你造意來誑儂、服
劍自甘心、終為垢污蒙、偽服輕調弄、二親靈在空、應
鑒妾衷、刎頸吾不痛、前腔何須苦辭、勿徒堅子莫中、
求佛豈禪龕、磨磚非鏡銅、謀計何足用、操心總是空、
追思自撫胸、萬事如一夢、前腔咏桃朝妾躬、狂妄激

手裏染指恣饒心、操戈太不恭。僞服輕調弄，二親靈
在空。應須鑒妾衷，刎頸吾不痛。前腔聰明何蔽蒙，風
情些不通。手折半金環，神明鑒在空。謀計何足用，操
心總是空。追思自撫胸，萬事如一夢。前腔何困苦，即
戎燈前如折衝。願賜刃奴身，裝卽罪不容。謀計何足
用，操心總是空。追思自撫胸，萬事成一夢。

病起成親

錦堂月一瘵纏綿，病狂喪守，深慚語言更變。希望高
賢垂憐，曲賜周全，好一似解珮江妃，慮交甫空行湖
岸。合薰風薦喜，蒲玉飄香，且終佳宴。前腔姻緣喜得

靈丸標梅一二時逢庶士心堅湖裡月清朱其配合
天然誇德耀舉案齊眉愧伯鸞傭春貧賤合前前腔
欣見絲幕紅牽祥光縹緲門闌非霧非煙兩好雙奇
似瑞靄慶結姻聯追往昔玉鏡親收喜今日東床堪
選合前前腔堪羨月殿嬋娟章縫卓犖佳人才子姻
聯看彩鳳于飛一似並蒂紅蓮韋固婦月下看書夫
妻足赤繩拘攣合前前腔醉翁子驚戰看此玉堅剛赫紉
忍舉手摧殘碎瑜損艷心怨數背盟言便價重千金
甘不戀合前何多辯趁美景良辰速成姻眷前腔聽勸
折指環盟言屢變背聖語白圭自成瑕玷休眩花燭

交燃玉帔玲瓏加鳳弁、合前、僥僥令、同心雙繾綣、令
黿共迎仙、試看聯清堂上笙歌沸、合、玊與聯珠千百
年、前腔、三山增翠巘、湖水瑩清漣、兩個瀟灑風流多佳
麗、一本弄丸編帶笑看、十二時、嫦娥此夜親身現、喜
光涵廣寒宮殿、一派狂歌遍世間、

東廂記

湖上奇逢

駐雲飛春日融融、綠滿西湖水、一泓歌舞聲傳送、花
鳥閑吟弄、茶遊客喜晴空、後先掛蹕挑壘、携尊水陸
人何衆、山色湖光入望中、前腔、望龍瞻封、野徑斜穿

十里松雲隱嚴恩重、掃拜當春仲、
嗒、藤轎並花驄、馬嘶人冗、水綠山奇、
翠藹波流動、杏放桃開、夾岸紅、
前腔、遙拜先封、一滴椒漿、表寸衷、
你魂入南柯夢、恩比丘山重、
嗒、慕地想遺踪、神驚心竦、
掛紙燃香、壟下陳蔬供、
赫赫威靈異、感通、前腔、樓閣重重、
一派青山如畫中、武穆威名重、
仰止身容悚、嗒、天際墮蟾宮、
嫦娥臨壟、敢是水月觀音、
離却蓬萊洞、我睨眼偷瞧俊俏容、

皂羅袍、嶺寺晴雲繞棟、見千層翠蓋、
萬疊奇峯、紛紜遊賞樂雍雍、
輕敲畫鼓、笙歌動、風和日暖、
良辰漸融、

鶯啼燕語、天桃吐紅、雙雙粉蝶花間弄、江兒水一段
輕盈態、千般旖旎風、只見他步蒼苔、緩把金蓮送、吟
吟笑臉秋波動、嬌聲細語鶯簧弄、天座風流業種、兀
的不是惹恨牽情、彷彿陽臺一夢、皂羅袍、咿啞棹聲
頻送、見湖光瀲灩、舟楫波冲、遊人如在畫圖中、舳舻
前後笙歌擁、風和日暖、良辰漸融、鶯啼燕語、天桃噴
紅、雙雙鷗鳥隨波動、川檣棹、若不是過藍橋、波乍湧、
恍疑是赴高唐、覺愧悚、眊殺他孌娜娉婷、斗我意懸
懸、將魂魄從空撇下、蘭麝踪、似天仙還月宮、嘉慶子
暗想餘香猶可踵、空教人步屨殘紅、路欲還、偏覺永

狂追隨、無計覓仙蹤。悔當初、不向西湖、閑遊動也。免
得遇多嬌、獨繫衷。尾聲。你寬心、不必多慙恹。雲雨終
教有定蹤、免使襄王夢裡逢。

傳情惹恨

懶畫眉。棠梨落盡鵲鴝啼。春去鄰家蝶未知。香消粉
褪、鬢雲軟、纖腰欲墜。黃金珮、強對菱花、懶畫眉。前腔
潛身宛轉、步輕移。猶恐堂上夫人問、覺誰傷春怯瘦。
起來遲。羅衫不勝、因腰細。彷彿當年楊貴妃。
桂枝香。我是深閨、蘭蕙休作章臺、旖旎想是你多口。
饒舌。沒來由、逞聰賣慧。這酸丁欠宜。這酸丁欠宜。將

人朝戲。你無端傳遞是和、非、同。你到夫人處。一一從前追問伊。前腔奴當知罪。姐須饒恕。多因我盲眼無珠。怎識他筆端藏意。望暫息雷霆。望暫息雷霆。回嗔消氣。玉顏開霽。自追非。從今再惹無干事。俯伏堂前甘受笞。前腔雖知罪戾。情難遽已。免你向堂上答鞭。終難辭此間責跪。把刑法自持。把刑法自持。打你這鱗鴻小婢。招愆惹魅。向庭幃通將始末根源事。訴與萱堂定是非。前腔花前遊戲。牽衣執袂。一心裡盼戀東廂。遣我將奇花相惠。將鮫綃謝伊。將鮫綃謝伊。暗藏風味。因而招罪。且遲迴。須怜往日情懷好。恕我今番

一念迷

春鴻請宴

錦纏道賀新郎挽多嬌同歸洞房來語自萱堂謝君
家施武畧脫禍除殃的知他前言不謊你須索及忙
打當此際得成雙孤辰寡宿心忘夢亦忘休待藍橋
漲蒲稽遲神女在高唐江兒水則見他烏髻冠新幘
宮羅易故裳俏身軀舉動多流蕩儀容彷彿如張敞
軒昂氣宇真豪放洒落襟懷個儻登倚翠偎紅顛倒笑
蓉羅帳前腔他是弱柳初舒綠天桃半吐芳只怕他
嫩腰肢未慣風和浪你穩拿閹節休狂妄急流把舵

牢牢掌。須索熟知痛癢。合前解三醪。風到時竹搖清
幌。雨過處玉漱芳塘。文禽兩兩來還往。舞鶴雙雙棲
又翔。葵榴浴日紅英媚。蘭蕙翻風翠帶長。神仙降神
仙降。有胡麻玉屑。金液瓊漿。前腔感夫人厚德無量。
愧寂寞孤身異鄉。今生幸得同鴛帳。宿世應知慶積
長。牽絲定擬紅偏得。屏雀須教目中雙。醉佳貺。醉佳
貺。謝芳卿贊相。就我鸞凰。尾聲羅幃准備銷金帳。鼓
樂笙歌列兩行。早赴華筵入畫堂。

月夜聽琴

月兒高。良夜人初靜。銀河蕩疎影。倦綉工方罷。開步

尋幽景、月白風清、花卉兩相映、環青凝翠、凝翠鍾遊
興、古人愛月眠遲、養成惜花性、亭夜氣逼人清、使我
不寐通宵、遶重陰、越芳徑、前腔、皓魄圓如鏡、蟾蜍弄
清影、幾度風生細、香氣侵羅衾、月媚花嬌、兩兩每相
映、世情反覆、反覆渾無定、月當明處、雲遮妬、花風雨
併、聽樂事及時行、休待月缺花殘、想茂齡如畫餅、漁
燈兒、莫不是風到處、嶺上松鳴、莫不是星流過、宿鳥
虛驚、莫不是呼侶、鴈瀟湘夜征、莫不是蛩聲相應、唧
唧、喁耳畔、盈盈、前腔、莫不是取材的、伐木丁丁、莫不
是延賓的、鼓瑟吹笙、莫不是堯率院月下、敲局、莫不

是烟花市夜靜調箏、却原來是鼓焦桐、東窗那生、漁燈一聲清似鴻鴈飛鳴、秋景一聲濁似黃梅雨落、沙汀一聲喜似虞舜宮中甘旨承、一聲悲似悼頑童、聖泣餘聲、前腔他人兒俊似傅粉、何卽啖餅、性兒溫似權衡、識重知輕、才兒奇、他筆底烟霞錦綉生、命兒高探花、金榜第三名、錦上花你本是女翰林、他是個貴書生、鶯儔燕侶、兩娉婷、他那裡指法輕、我這裡側耳聽、好似雌雄相應、鳳凰鳴、鉄石也留情、前腔他為我睡靡寧、我為他悶轉增、行居坐臥、夢魂驚、他那裡愛慕聲、我這裡那忍聽、怎柰高堂有禁、或無情、欲會

恨何能、

雲雨偷期

一江風、啓柴扉、悄悄輕迤逗、两步三回首、自猜疑、月彩騰光、尤恐人窺竇、行過栢舟樓、行過栢舟樓、重陰翠欲流、這清幽、不在蓬萊後、

桂枝香、神清目秀、眉拖新柳、嬌身雅服、宮羅脂粉、香凝襟袖、信闌睢、好速、信闌睢、好速、鰕生邂逅、今宵喜就、鳳鸞儔、應慚、檣櫓、風邊梗、誤入蓬萊勝境、遊前腔、全身思厚、夙盟當守、難支懇切、哀求、自銜千金相售、念深閨、女流、念深閨、女流、花柔齡茂、枕席未透、莫含

羞他嬌枝未慣風和雨、分付東君須緩圖、醉羅歌、
定挽定纖纖手、笑解笑解翠雲裘、金針乍入體、
嬌柔、謾把春山皺、被揪桃浪、腰翻弱柳、蜂迷蝶戀、
心和意、投、呻吟耳畔鶯簧奏、貪還怯、就、又羞、
香甜舌唾潤咽喉、前腔、不覺不覺貪歡久、輕把輕把牡丹蹂、宿花蝴蝶恣風流、
那顧腰肢瘦、粉粧凝面、脂香在口、枝頭露滴、
檀心謹收、雲鬟半蟬、金釵溜、神方定、喘漸休、猩紅羅怕倩誰收、
香羅帶、靈鷄報曉籌、忙掀綉綢、披衣送、即還自羞、
嬌枝嫩蕊付君也、須索念、壽香偷、高情種種、心上留、
通暢渾身也、往日相思此夕勾、意不盡、匆

匆何忍分襟袖、今夜須當再抱裯、美滿恩情永不休

致祭感夢

〔新水令〕自從栢沈兩分離、想嬌容、寢忘食、廢苦孤身、
飛禍罹、萱親喪、何痛悲、因此羈遲、豈知道、閨閣風波、
起、步步嬌、自歲相期諧連理、詎意遭時否、多情指腹、
妻、天不從人、今日番為鬼、斷絃破鏡、不堪題、教人驀、
憶別時語、〔折桂令〕想同胞、一本相偎、彼止須期、福壽
兼齊、向陽花、誰知未發、遽尔頽摧、恨風吹零落了、嬌
紅嫩綠、怨雨打失閃了、蝶約蜂期、倏忽分離、何勝傷
悲、只落得、堯率院、旅視空遺、〔江兒水〕自恨多磨瘴、文

齊福未齊。盼殺好姻緣。不獲成佳配。嬌身體癰疽潰。
香魂應化。沾泥絮。惟有情難遽已。控籲號呼。頓覺膽
寒心脆。鴈兒落。我為你跨征鞍。千里馳。我為你著戎
衣。擒強劇。我為你睽斷了待月期。我為你受穀了貪
花氣。我為你訴不了離愁苦。我為你心腹事有誰知。
我為你流盡了眼中血。我為你用窮了心上機。妻一
旦今朝成拋棄。怎不教人孤也麼恹。這幽懷說向誰。
僥僥令。兒觥浮綠蟻。蘭麝噴金猊。惟願精爽不隨流
水逝。彷彿音容儼在斯。收江南。呀。空擺下祭品共多
儀。怎得你降庭幃。雲飛雨散楚襄悲。落花流水不相

隨恩情似夢裡、恩情似夢裡、休想今生與你共齊眉、
園林好、願真性一念不迷、生天界、苦海脫離、及早赴
蟠桃佳會、慶王母拜瑤池、沽美酒、撫着棺、不忍離紙
灰化、似蝶飛、嘆旅襯僧房、伴是誰、今夜裡、願相隨、東
曲訴、聽因依、辜負我百年姻契、想殺你花嬌月媚、我
呵、擠此生孤身報伊、憶香魂、俄然慘悽、呀、猛傷情把
銀牙咬碎、意不盡、匆匆難止相思淚、今世何能再見
伊、恨壓山、峯華嶽低、

南西廂記

佛殿奇逢

武武令隨喜到僧房古殿瞻寶塔將迴廊遶遍叅羅
漢拜了聖賢行過法堂前正撞着五百年風流業冤
前腔偶喜得片時利閑且和你尋芳自選那鸚鵡籠中
巧轉驀聽得有人言只索自回旋園林好顛不刺見
了萬千似這般樣麗兒罕見好教人眼花撩亂口難
言他掩映並香肩止將花枝笑撚皂羅袍笑折花枝
自撚惹狂蜂浪蝶舞翅翩跹幾番欲待展齊紈飛向
錦香叢裡尋不見又被燕銜春去芳心自斂只怕人
隨花老無人見伶臨風不覺增長嘆江兒水這裡是
兜率院休猜做離恨天空嗔空喜春風面弓樣眉兒

新月偃。未語人前。先腴腴。便是歷歷鶯聲。花外轉。解舞腰肢。似垂柳。風前嬌軟。皂羅袍。閑步碧梧庭院。步蒼苔已久。濕透金蓮。紛紛紅紫。鬪爭妍。雙雙瓦雀。行書案。又被燕銜春去。芳心自斂。只怕人隨花老。無人見。伶輕羅小扇。遮羞臉。川撥棹。若不是。襯殘紅。芳徑軟。怎顯得。步香塵。底樣淺。休題他。眼角兒。畱情。只這脚踪兒。將心事。傳風魔了。張解元。似神仙。歸洞天。門掩梨花深小院。粉牆兒。高似青天。粉牆兒。高似青天。珮環聲。看看漸遠。空教人。餓眼望將穿。空教人。餓眼望將穿。怎當他。臨去秋波。那一轉。便是鐵石人也。情

意牽尾聲東風搖曳垂楊線遊絲牽惹桃花片爭奈
玉人兒不見將一座梵王宮疑是武陵源

訪僧遇紅

皂羅袍小生特來見訪太師行何必苦相謙讓不用香
積厨邊枯木堂只要遠着南軒近西廂太湖石畔過
却側廊盡闌干外靠着那廂再休題長老同方丈惜
黃花貧僧住雲房荷蒙君相訪罕來是宿緣得逢師
長數年不知安向朝思暮想光彩寺門墻材貌真天
相前腔文已困儒流何必過獎平生正直無偏向只
畱下四海一空囊本欲探知心別無他往聞說河中

路上兵戈擾攘、且住雲房書卷不妨講、前腔夫人使
紅來方丈、脩齋薦先長、看他舉止更端詳、一貌出天
相、玉容烏紗、身披鶴氅、敝衽見官人、整袂問和尚、十
樣錦、大人家舉止更端詳、全沒有半點輕狂、太師行
深深拜了、啓朱唇語言的當、可喜娘龐兒淺淡粧、穿
一套縞素衣裳、胡伶淥老不尋常、偷睛望眼裡抹
張郎、煞若得那多情小姐同鴛帳、怎捨得他疊被鋪
床、將小姐央、夫人央、他不令虛放、我親自寫與從良、
鎖南枝、聽說罷、心悵快、一天愁都撮在眉尖上、夫人
灑冰霜、小姐不合臨去回頭望、比花解語、玉吐香、乍

相逢記不真他俏模樣前腔忒過慮空妄想即才女
貌合相倣休得淡了眉兒思張敞金蓮小玉笋長欲
待不思量教人怎撇樣

燒香吟句

桂枝香風清月皎更長漏杳却元是宿鳥驚藤又疑
是僧人來到看嬋娟萬里看嬋娟萬里照人年少對
此深深拜禱問無聊願我父登仙早奴逢月下老前
腔滿懷煩惱向誰行道寂寂佇立閑堦瀟洒書齋幽
悄看槐庭秀草看槐庭秀草蛙聲雜鬧空憶高堂楚
調自吟朝一曲相思調為君都蕩了

黑麻序蓮步徐徐推朱戶顚望一天如洗拜深深滿
懷心事難知、驀聽得那裡吟詩句、未審誰、多才調更
美、意遲遲、莫不是花前見的人兒、前腔聽啓月轉廊
西、更嫌夫人堂上等待多時、你怎知、我有萬恨千愁
如織、西廂下幽懷句、情可疑、請回歸、回歸恐怕夫人
嫌咱、愛月眠遲、關竇蟾分明天付與、獨步對月吟詩、
怎知那人却在牆西、詩中意可知、藍橋路又迷、總有
好詩、誰與暗傳密迹、前腔多時、玉漏遲遲聽得西廂
下、自言自語、正三更漏斷、如何不睡、爭知姪兒被鬼
迷、不知就裡、除非宋玉得知這般滋味、

張生開道場

駐馬聽法鼓金鐺、二月春雷响殿角、鍾聲佛號如風雨、一天密洒松梢、戾門不許老僧敲、紗窗外定有紅娘到、餓眼難熬、待他來時、須看十分飽、

一封書、齋心禮佛寶、舉沉檀鼎內燒、追夫慟哭號、兵燹何期此地遭、母子飄零無以報、特仗良因、特意表、合梵音高、燭影搖、救拔幽魂離苦惱、前腔移蓮步拜告、仰金仙在九霄、孤兒女守孝、朝夕思歸路、途遙不想椿庭傾逝早、保佑萱堂增壽考、合前皂羅袍、俺只道玉天仙來到、却元來是可意根苗、小生旅况最難熬、

怎當他傾國傾城貌、櫻桃小口、楊柳細腰、梨花白面、麝蘭氣飄、輕盈上下都堆俏、前腔外像風流年少、內性兒聰明、貫世才學、扭捏身軀甚做作、往來人前賣弄俊俏、黃昏這回、白日那覺書幃獨睡、怎捱到曉、此情未許人知道、前腔你好沒顛沒倒、分明是你鬧了元宵、迷畱沒亂、癢難撓、太師行座上空凝眺、頭陀懊惱、把鍾磬亂敲、燒香行者、把香烟滅了、爭看小姐如花貌、傷粧慙慙慙慙、醉真化金錢、上通碧落、下黃泉、自從與你分中路、孤窮子母有誰怜、帝灰化作白蝴蝶、血泪都成紅杜鵑、空嗟嘆、枉淚漣、願得亡魂平步上青天、

驅雲飛情引眉梢心事難傳我知道了有心爭奈無
心好多情却被無情惱嗟攘開了這一宵玉人歸早
佛事俱收何處雞兒叫各自歸家葫蘆提直到曉

書遣惠明

沉醉東風張衙內聽妾拜啟料胸中必有深謀奇計
君俊雅何不救人災危把青春姝麗配君家同諧鳳
侶合老僧主婚紅娘做媒殄息干戈却有期前腔念
張珙非不用力况此日多承恩庇危難中當扶持一
封書去管取山門安然無慮合前前腔事臨危不須
致疑望先生早施陳平之計喜鶯鶯笑入宮花羨君

瑞臨風玉樹合前

好孩兒不念法華經、不禮梁王懺、丟了僧伽帽、撇了袒襦紅衫、殺人心、逗起英雄膽、兩隻手將烏龍棍來搯、直殺入虎穴龍潭、非是我出尖貪婪、福馬郎喫菜饅頭、委實口淡、五千人不索煎爛、腔子裡熱血且權消渴、心饒解將五千人做一頓饅頭餚、紅芍藥包殘肉、把青鹽蘸、戒刀頭新來鋼蘸、鐵棒上塵土不染、耍孩兒他只管喫齋飯、在僧房裡、不管燒了伽藍、多謝得扶危困、故友書一緘、今日裡撞釘子、把賊兵探大脚步、非誇謊、倘秀才看幾個沙彌、把寶蓋擔、排陣勢

把他來按、遠的破開步、將鐵棒拾、近手的將刀來斬、
小的提起來、將脚尖來按、大的板下來、把鬚鬚鋸、
縷金、一瞧海波翻、一混索狼狼振山岩、打熬成
天生下這般敢、劣性拚捨着命、幾曾忘忘、更怕我對
馬停驂、紅綉鞋、平生欺硬怕軟、怕軟吃苦不受甘、非
是你每拈花柳的、掂三休、因親胡怕俺、咱非躲懶、杜
將軍不肯把兵戈退、張解元干將風月擔、尾聲、威風
助我須、吶敢、擂鼓搖旗不等閑、我將半萬賊兵、嚇破
膽、

紅娘請生

新水令引半萬賊兵捲浮雲片時掃盡。幼女孤兒、或
裡逃生、列山靈、陳水陸、張君瑞合當欽敬。步步嬌憑
着善武能文書一紙、早醫可了相思病。薄衾單枕有
誰溫、鳳帳鴛帏、早則不冷、今日東閣玳筵開、煞強似
西廂和月等、前腔客館蕭條春將盡、碧草埋芳徑、隔
窻兒救一聲、他啓朱唇、疾忙答應、秀才們聞道請、恰
一似聽了將軍令。空春令第一來為壓驚、第二來因
謝誠殺羊茶飯、早已安排定、斷開人、不會親鄰、請先
生和俺鶯鶯匹聘、我只見他懽天喜地、謹依來命。玉枝
花你來回顧影、文廡秀士欠酸丁、下工夫將頭顱來

掙遲和疾擦倒蒼蠅、光油油耀花人眼睛、酸溜溜熬
得牙根冷、天生這個英俊、天生這個後生、玉嬌鶯今宵
歡慶、俺鶯鶯何曾慣經、須索要款款輕輕、燈兒下共
交鴛頸、端詳可憎、誰無志誠、兩人今夜親折証、謝芳
卿、謝紅娘錯愛、成就了這姻親、解三醒玳筵開香焚
寶鼎、綉簾外風掃閑庭、落紅滿地、臘冷、白玉欄杆
花弄影、準備着鴛鴦夜月、銷金帳、孔雀春風、軟玉屏
合歡令、有鳳簫象板、錦瑟鸞笙、前腔、可憐我琴劍飄零、無
厚聘、感不盡姻親事有成、新婚燕爾安排定、除非是
折桂手報、答前盟、我如今已得到、跨鳳乘鸞客、到晚來

臥看牽牛織女星、非僥倖、受用了珠圍翠繞、結果了
黃卷青燈、尾聲、老夫人專意等、常言道、恭敬不如從
命、免使紅娘再來請、

夫人背盟

畫眉序、若不是君瑞識人多、別的焉能退干戈、排着
酒菓、列着笙歌、花陰細、煖日庭階、香篆裊、東風簾幙、
感伊救我全家禍、欽敬禮、正當酹酢、前腔、雙眼轉秋
波、一點靈心早照破、着鶯鶯做妹妹、拜了哥哥、白茫茫
水溢藍橋、撲刺刺、把比目魚分破、奈何愁把眉峯鎖、
着忽地、又早張羅、前腔、自覺醉顏酡、低首無言、自推

挫手難擡、稱不起這兩肩窩、沒定奪、啞謎難猜、說謊
話比天來大、柰何愁把眉頭鎖、舊地又早張羅、滴溜
子、謾說道佳人自來命薄、誰承望好事頓成間阻、是
他將半萬賊兵破、如何番成做離恨歌、好襟懷都變
做苦、兀的是江州司馬淚痕多、鮑老催、從今恨多、玉
容寂寞梨花朶、顰脂淺淡櫻桃顆、相思料已成、何時
妥、將顛巍巍雙頭花、盡兒搓、香馥馥縷帶割、連理樹
都折挫、雙聲子、今非昨、今非昨、把青春女成耽誤、
顛窖、
顛窖、將美前程都虛過、誰念奴、誰念奴、我共
他、我共他、算來成敗、都是你個蕭何、尾聲、一盃悶酒

君前過、訴衷情、爭奈母親側坐、把恩義如山成小可、

鶯鶯聽琴

梁州序 雲歛晴空、冰輪乍湧、風掃殘紅、無數香階堆擁、好似悶懷千種、只落得心中作念、口內閑題、夢兒裡相和哄、今日畫堂開綺席、意朦朧、却教我翠袖慙慙、捧玉鍾、愁似織、和誰共、雙蛾感損春愁重、魚得水、甚時同、

漁燈兒 莫不是步搖得寶髻玲瓏、莫不是裙拖得環珮叮冬、莫不是鐵馬在簷前驟風、莫不是金鉤兩控、咕叮噹、敲響簾櫳、前腔 莫不是梵王宮夜撞鐘、莫不

是疎竹瀟瀟曲檻中、莫不是牙尺剪刀聲相送、莫不
是湍聲長滴嚮壺銅、元來是近西廂誰理絲桐、前腔
其聲壯似鐵騎刀鎗冗冗、其聲輕似落花流水溶溶、
其聲高似風清月朗鶴唳空、其聲低似兒女語小窻
中、錦上花他那裡思不窮、我這裡意已通、嬌鸞雛鳳
失雌雄、他那裡曲未終、我這裡意轉濃、爭柰伯勞飛
燕各西東、盡在不言中、

步步嬌人靜更闌冰輪見、萬種愁難遣、芳心托素絃、
願取仁風送入梨花院、只隔這小窻兒、無路見神仙
面前腔他句句聲聲幽情怨、都做了寡鵠孤鸞、恨步

心托杜鵑、玉指輕鬆、彈出聲清款、意趣總幽閑、為不
酸不醋風魔漢、前腔想他那杏臉桃腮、多丰範、幾平
險被先生賺、香風嚮、珮環他攬、哄人上得梳杆、掇了
梯兒看、鬼病要安痊、除非是出幾點風流汗、

罵玉郎側耳聽琴心下疑、就裡聲聲怨、勾題鴛鴦何
日得同棲、皺蛾眉、奴好似傍水花枝、怕狂風起時、怕
狂風起時、擺落趁水相隨、怕濃霜露欺、怕濃霜露欺、
禁不得一霎時瀟灑、免不得巫山相會、俺只見怨蝶
愁蜂、俺只見怨蝶愁蜂、尋花覓蕊、心下憂疑、你傍徨
我熬煎、兩處相思、恨只恨冤家債、無緣相會、前腔惱

聽樵樓鼓二槌、為愛鶯鶯心似痴、紅娘別後愈傷悲、
怎能勾共枕同幃、那夫人虧負、那夫人虧負、害人徹
夜相思、聽更漏又催、聽更漏又催、又催着三更將至、
早來到乘鶯匹配、想着他如花似玉、想着他如花似
玉、嬌嬌滴滴、賽過西施、再尋思、魄散魂飛、只聽得隔
牆兒有人來至、前腔、蓮步忙移、意故遲、假意佯羞、把
伊推、勸伊行不如早相隨、效于飛、免教短歎長吁、把
前程謾思、把前程謾思、他為你春試不題、厭茶飯懶
吃、厭茶飯懶吃、懶炊着珍羞百味、他弃功名、只望姻
緣成對、俺只見月團圓、月皎潔、照着我你、鳳別鸞離

怕夫人覺時、問我和伊、早抽身去開門、兩下裡偷會、
臨江仙、方便門兒何苦掩、這丫頭膽大如天、休教三
月病懨懨、不辭推戶出、端的遇神仙、請君着個風流
眼、莫把楊花作雪看、

好姐姐、笑伊情痴意錯、驀地裡將人奚落、饒君總有
美貌多才學、能謀畧、冤家做作姻緣薄、指望痴諧共
樂、前腔你做巧、番成做拙、月下分明不口鶯鶯和我
夫人、若知醜樣難回話、遭叱咤、一場好事天來大、對
面無緣空錯過、

紅娘寄柬

駐馬聽月黑西廂堪歎雲雨無緣空斷腸燒殘銀燭
聽徹銅壺展轉思量精神陪盡恹惶幾時得共銷
金帳待等紅娘來時詢問小姐如何說向

降黃龍相國行祠寄居蕭寺幼女孤兒將欲從軍而
歿張生此時伸意遣封書與師疾至方顯得文章有
用天地無私前腔若非剪殺賊寇險些兒滅門絕戶
俺一家兒鶯鶯君瑞許配雄雌夫人背盟却以兄妹
為之把姻緣一時打滅頓成拋棄滾潘郎鬢有絲潘
郎鬢有絲韋娘非舊時一個帶圍清減瘦腰肢一個
睡昏昏不待觀經史一個意懸懸懶去拈針指一個

筆下寫幽情、一個絃上傳心事、兩下裡都一樣害相思、前腔潤破了紙窗兒、潤破了紙窗兒、悄聲兒窺視、見他和衣衫睡起、前襟褶裡、孤眠滋味、淒涼情緒、這瘦臉兒不悶、是害死、前腔金釵敲門扇兒、金釵敲門扇兒、我是散相思、五瘟使、小姐想著伊、紅娘來探取、道風清月朗、聽琴佳趣、到如今、念千遍、張殿試、駐馬聽、那百媚嬌娘、一夜相思淚兩行、啼殘粧面、哭損花容、惱亂柔腸、徘徊不肯上牙床、幾番見了添悵、快仔細思量、多因為你、把他春心飄蕩、

滾他若見了書、他若見了書、顛倒費精神、他拽扎起

面皮、憑誰寄言語、他道這妮子敢胡行事、蚩蚩的扯
做紙條兒、前腔、饒窮酸、饒窮酸、饒窮酸、賣弄有家
私、莫不為我啣財、特進到此、有人情、乖劣性子兒、你
只說道、可憐見我是孤身已、

駐雲飛、鐵畫銀鈎、不信朱衣不點頭、紙上雲烟、奏筆
下龍蛇走、休、何必獎儒流、望高擡手、著意栽花、等閑
挿成柳、不是冤家不聚頭、前腔、全仗吹噓、異日得乘
駟馬車、張琪非他輩、別有酬答你、吁、誰想這三妹、事擔
干已、昨夜西廂、小姐十分氣、怎敢扯壞先生一紙書、
前腔、草隸真楷、鳥跡蒼松亦小哉、三分怪作十分怪、

我也不敢說成敗、哀凡百望遮蓋、好生擔帶、若得娘行
半點心相愛、怎敢忘了悲慈女善才、前腔分付東風
莫把恩情如夢中、我把你做佛尊重、休得似前相調
弄、風乞求兩相逢、敢不趨奉、若得嫦娥畧畧花心動
何憚巫山十二峯、尾聲從教宋玉愁無二、瘦損相思
這樣子、百歲歡娛全仗這張紙、

鶯鶯見書

懶畫眉、拋針停綉、畫闌東、理鏡分塵、整素容、俺這裡
閨門簾幙閉重重、誰把春緘送、想是漏泄天心與芳
風、前腔心中無事、謾匆匆、想是粧臺見此封、張家學

士且從容空受了乾疼痛、急煎煎怎便從、

五更轉這賤人忒無禮、剗地裡與人傳遞書、不思相
國閨門女、那曾識得遭風熾日、我好沒來由、與人擔
干已、多才那人那人張君瑞、他道小姐跟前再三傳
示、箭腔鎮日往來書齋內、沒事與人攬是非、如今送
你、送到老夫人處、今後紅娘再不敢如是、你待要學
取傍州例、我比秀英、不曾與他如是、他那裡東牆比
着西廂何異、鎖窗寒恨張生忒煞痴迷、險些兒把咱
連累、音書為他來傳示、將好意反成惡意、合想他讀
盡古今書、全不傍此理、箭腔芳心一點有誰知、他的

心腸似絮飛、西廂下、奚落把人虧負、剗地裏密傳春
意、合前

紅娘訂約

傍粧臺、病多愁、春緘曾已付粧樓、襟前袖裡都濕透、
却為千點淚流、何時得、遂驚鴛侶、磨盡新愁、解舊愁、
憑紅葉、諧鳳儔、相酬當報錦纏頭、前腔、先生猶自說
風流、花飛月冷、空惹這場羞、你這裡言中筆底傳情
句、他那裡水霜節操許誰謀、分明打罵花牋後、明月
在湖中、難下鉤、休胡想、莫強求、不如收拾上皇州、前
腔、今朝相會、驚儔、懸懸心掛似吞鉤、情雲意月在

花牋上、驚交鳳友，效綢繆。佳期約在黃昏後，休辜暮
雨朝雲。花下遊。（合）憑紅葉、付御溝。相酬當報錦纏頭。
（前腔）迴文織錦，有因由。深言密語，暗藏羞。教人那曉
真情意，將我反看，做兩班頭。他是沒纜船兒，畱不住，
欲會歡情，覆意休。（合前）

跳牆奕棋

駐馬聽。不近諠譁，嫩柳池塘，藏睡鴨。自然幽雅，新柳
拖黃，暗隱棲鴉。金蓮蹴損牡丹芽。玉簪兒，抓住荼蘼
架。苔徑泥滑，露珠濕透，綾波襪。（前腔）日落窻紗，兩下
含情看月華。風光瀟灑，雨約雲期，楚臺巫峽。殘霞影

裡噪歸鴉、捱一刻如過一夏、風送飛花、紛紛亂撲香
階下、前腔玉兔無瑕、悶掩東風、只自嗟、晚粧初罷、秋
水凝眸、雲鬢堆鴉、鶯儔燕侶已曾約、心猿意馬難拴
下、閉月羞花、教人到處常縈掛、

北點絳唇、淡雲籠月華、潛迹巫山下、寒蛩鳴四野、雲
雨阻巫峽、擔驚擔怕、步行遲、苔徑滑、怎捱得恨綿綿
如年長夜、粉牆高一似霧阻雲遮、為着琴邊詩裏、耽
悞了、花開花謝、這的是母親見兵興、許為姻婭、今日
裡事息、拜為兄妹、爭差、前腔若是怕牆高、怎把龍門
跨、嫌花密、難攀着桂花、若得俏冤家、共同打話、勝把

十萬錢在揚州跨、只為看開月羞花、三兩目水朱不
曾打牙、兀的不是斷送人鬼病根芽、好教人拴不住
心猿意馬、又不是山遙水遠、又不是途賒、只隔一個
片窻紗、如隔了天涯、

駐馬聽、月照銀紗、風動庭槐、噪暮鴉、影分高下、却是
多才、帽側烏紗、一個潛身曲檻、未撐達、一個背立湖
山下、休得荒咱、多應窮漢、餓眼生花、

畫眉序、嬌滴滴玉無瑕、粉臉生春、鬢堆鴉、你檐驚受
怕、圖甚麼浪酒閑茶、從今後打疊起嗟呀、畢竟的不
把心腸牽掛、為他兩下情、謙洽、將指頭兒告了消乏、

梁州序三百六十、先賢畱下、箇中一路難抹、棋逢敵手、作者怎施謀畧、引入門來、便與單關、却怕他衝開打斷、要奪角、他路強、分我路弱、失行勢、怎收縛、前腔前言虛諾、後謀難托、箇中黑子伸脚、從他有眼、遭暗中敲打、琴裏曾經這寂寞、今夜棋邊、定教還一着、早早斜飛、免使受劈綽、局面離披、佔甚着、一子誤、滿盤錯、玉芙蓉這棋中有密機、輸去難迴避、緊關防、却被那人先覷、只箇兩下相粘住、這當得他人擊處提、休猜忌、待紅娘做眼、引入其中、不枉負佳期、前腔雙關話可疑、敲斷隨伊意、暗中來、可是對奴明語、一雙好眼

常看你、你倒做了偷棋犯着的、奴非對、須尋一箇對
手、兩下平和、不枉負佳期、前腔無情我詐輸、你休恁
發狂語、這一着、今夜必然番悔、今宵下定如何悔、月
色偏將手影移、收拾去、向夫人說你、早早回身、莫待
悔時遲、前腔佯羞語可疑、此話難當抵、你將書暗約
我、故來此問君、我寄書何處、這不是伊家寄與書、明
明許、我欲近嫦娥、自有上天梯、

皂羅袍為甚的心無驚怕、赤緊的夫妻每意不爭差、
俺這里躡足潛形、俏的聽咱、一箇羞慚、一箇怒發、張
生無語、小姐變卦、一箇冥冥悄悄、一箇絮絮搭搭、

清江引不是俺一家喬上衙說幾句知心話文學海
樣深色膽天來大不想去跳龍門學騙馬前腔俏書
生為甚麼不忖度誰教你把東牆跨夫人早已知難
與你干休罷到官司細詳察吃一頓打前腔默默無
言躬身羞搭搭佇立在閑階下神女不容來襄王空
牽掛頓教假粧聾權做啞

鶯鶯探病

步步嬌只為崔家娘害得我難醫治空教我待月西
廂猜詩謎番思薄倖女悔過了竊玉偷香情緒空教
我淚如雨只為愛月貪花辜負了男兒志園林好可

憐都是為人在客。張君瑞近日身淹病怯。危難中得
蒙提挈。母子每感恩德。特地問消息。江兒水感得親
來問。多謝伊。不疼不痛在心兒裡。料想難畱人世。玉
交枝看你青春年幾。又何必尤雲殢雨。想藏珍必待
沽諸。料雲程萬里終奮。姻緣必諧連理。登榮就親還
有日。何須苦苦相縈繫。我與你求神問卜。且自寬心。
將息守已。賞宮花一心愛你。愛你是掌上明珠。豈親
戚忘了解兵時。你薄情人。做作風中絮。咫尺姻緣。分
做兩下裡。皂羅袍看你惺惺伶俐。何必愁雲怒雨。紅
娘既托人言。必當盡終其事。他時紅葉再題詩。御溝

不負男兒志、**合**功名未遂、病淹旅邸、姻緣未偶、香消
玉肌、裏王勞夢、巫山女、**前腔**自宜珍重身體、棄了玉
堂金馬、戀着嬌姿、不疼不痛、害相思、無聊無賴、難存
濟、**合前****尾聲**共伊俱是天涯客、相逢更喜又相識、但
願你沉疴早瞬聰、

鶯鶯憶念

錦搭絮、落紅成陣、萬點正愁人、早是傷情無語、憑欄
怯訴春、困騰騰、情思沉吟、我有一腔春病、誰與溫存、
想是分淺綠慳、雨打梨花深閉門、說甚麼雨打梨花
深閉門、**前腔**時時刻刻、不曾離身、是你口許為親、背

面忘恩到做了言而無信、悔賴人婚姻、縱有鐵壁銅
牆、枉使機關拘禁得緊、前腔花鈿慵整、我也賴去登
臨、總有蘭麝馨香、有甚心情挨看枕、坐也不安、睡也
不寧、想他風流才俊、貫世聰明、誰肯向東隣、把我做
針兒將線引、前腔沒情沒緒、悶倚着圍屏、心在他人
交頸、鴛鴦綉不成、眼睜睜、天也不從人、想是你前生
誤我、我誤你今生、你影隻形單、羞覩牛郎織女星、前
腔一從兵退、心膽虛驚、多了知母防風、少了附子檳
榔與杏仁、自支撐、夜重日輕、我也參詳不到、鬼病苗
根、總有扁鵲盧醫、難治厭厭肺腑情、前腔思思想想、

念念心心相思是我和伊都占盡休怪我宣親自古
好事難成東君有意花也畱情我豈肯惹浪蝶狂蜂
止許御花美鹿行

紅娘寄詩

尾犯序 鬼病廝相侵只為彩筆題詩迴文織錦待月
燒香隔牆聽琴顛審送得人臥床着枕送得人忘食廢
寢這是夫人處把恩山義海都做了遠水遙岑箭腔
心不存學海文林臺不離柳影花陰竊玉偷香何曾
得甚難禁只落得愁如宋玉腰如病沈思量起自海
棠開後思想到如今

天歌中他局兒兩三遭、致使書生病未療、只愁他
笑裡又藏刀、致使吾身沒下稍、前腔、鶯鶯才貌出天
嬌、右瑞詩書青史標、定看喜鵲駕仙橋、會雨行雲在
此宵、前腔、新詩讀罷病都消、官取同諧鸞鳳交、蘇耽
摘井盡皆拋、不怕藍田去路遙、

西廂幽會

傍粧臺彩雲開、月明如水浸樓臺、風弄竹聲、只道是
金佩響、月移花影、疑是玉人來、意孜孜、雙業眼、急攘
攘、那情懷、倚定着門兒待、只索呆打孩、青鸞黃犬信
音乖、前腔、昏昏情思眼慵開、夢魂飛入楚陽臺、早知

道無明無夜因他害想當初不如不遇傾城色夫人
行料應難離側多管是冤家不自在安排害整備臺
異卿身強把茶湯捱

黃鶯兒移步出西廂見花陰上粉牆一天星斗皆明
朗金爐瑞香更闌漏長迴廊偏喜無人往問紅娘張
生寓所何處是他房前腔忽聽問張生急開門出戶
迎紅娘佳偶衾和枕張生笑迎鶯鶯喜忻兩人携手
香肩並謝芳卿書齋冷落倉卒欠趨承

羅香令先前見責誰承望今宵歡愛謝小姐這般留
心小生合當跪拜念小生又無潘安子建才覩着可

憎模樣、不勝感戴。是則是可憐我孤身客。皂羅袍。我
見你多愁多害。其實難捱。只見你忘食廢寢。可憐十
分不快。你真心耐。誠意捱。心迴意轉。否極泰來。這其
間畱得形骸在。十二紅。小姐小姐多丰采。君瑞君瑞
濟川才。一雙才貌世無賽。堪愛。愛他每兩意和諧。花
心採。柳腰擺。露滴牡丹開。香恣蝶蜂採。一個半推半
就。一個又驚又愛。一個嬌羞滿面。一個春意滿懷。好一似
襄王神女會陽臺。一個斜倚雲鬟。也不管墮折寶釵。
一個掀翻錦被。也不管凍却瘦骸。兩人勾却相思債。
更不管紅娘在門兒外待。好教我無端春興倩誰排。

只得咬定羅衫耐，將門叩，叫秀才，莫貪餘樂惹非災。
輕輕叫，叫小姐，忙披衣快打門開，看看月上粉牆來。
莫怪我，再三催，節節高，春香抱滿懷，暢奇哉，渾身上
下都通泰，無聊賴，難擺劃，誰憑解，夢魂飛遠，青霄外。
知伊昨夜夢中來，原編欠四字□□□□愁無柰，合今宵同會碧
紗厨，何時再解香羅帶，前腔花陰下，蘚階，楚陽臺，襄
王雲雨今何在，多歡愛，歸去來，何時再，乍時相見教
人愛，霎時不見教人怪，合前尾聲風流不用千金買，
賤却人間玉與帛，須必破工夫，明夜早些來。

夫人拷紅

〔桂枝香〕我着你行監坐守、誰許你胡行亂走、一恁的
握雨携雲、使我提心在口、你花言巧語、你花言巧語、
將沒做有出乖露醜、小丫頭說與我始末根由事、如
何索罷休、〔前腔〕那日閑停針綉、把此情窮究道、張生
病染沉痾、他和我到書齋問候、着紅娘暫回、着紅娘
暫回、小姐權時落後、做了鸞交鳳友、慢追求、說與你
始末根源事、如何索罷休、〔月上桂花〕那張生聰明俊
秀、小姐玲瓏剔透、一箇士女班頭、一箇文章魁首、經
今月久、經今月久、相厮守、兩意相投、一心如舊、〔前腔〕
當初為叛賊草寇、他請到蒲關故友、張解元啓、或回

生、老夫人番言變口、你名門閥閱、你名門閥閱、家聲
舊、終不然背義忘恩、出乖露醜、休何必苦追求、常言
道、女大難留、苗兒不秀、

錦堂月、再整鸞儔、重諧伉儷、心猿意馬收留、且把從
前往事一筆都勾、再休題簡帖兒、傳情、惟願取功名成
就、合從今後看、萬里青雲、早當馳驟、前腔、月滿
秦樓、珠還合浦、陽臺雨散、雲收、春意徘徊、今朝自覺
慙羞、再休題夜去明來、惟願取天長地久、合前、僥僥
令、春山眉轉皺、秋水慢凝眸、看鏡裏雙鸞相回顧、一
似得水魚兒逐水流、尾聲、華堂簫鼓鳴春晝、擺一對

鸞凰配偶，纔受媒紅，謝親酒。

長亭送別

普天樂。碧雲天、黃花地、西風緊、北鴈南飛。晚來誰染
霜林醉多，曾是離人淚。恨相見得遲，怨歸去得疾。柳絲
長，情縈繫。倩疎林掛住斜暉。匆匆程途，怎隨念恩情
使人心下悲淒。鴈聲犯思之，不忍分離。見車兒馬兒
不由人熬熬煎煎氣，有甚心情，打扮得嬌嬌媚。唯落
着衾兒枕兒，則索沉沉睡。從今後衫兒袖兒都漬了
相思淚。傾盃序。樓遲、傾刻間、冷翠幃、寂寞增十倍。想
前暮私情，昨夜成親，今日別離。怪我知之把腿兒相

壓臉兒相偎手兒相携不由人猛然思省淚雙垂（山挑犯）搵錦袖啼紅淚湛秋水顰眉翠執手未登程先問歸期別酒將傾未飲心先醉魚來鴈去書頻寄免使人心下成灰（尾聲）蝸角名蠅頭利拆散鴛鴦兩下裡話別臨歧共慘悽

催拍（到京師）水土自宜赴程途當節飲食慎時保體慎時保體野店風霜早起眠遲鞍馬秋風最要扶持（合）功名遂身著荷衣攀月桂步雲梯（前腔）我但願你文齊福齊只怕你停妻娶妻愁恨自知愁恨自知此去迢迢黃犬青鸞有書頻寄花柳他鄉再休似此處

棲遲合前前腔笑吟吟一同到此哭啼啼獨自散歸
你歸到羅幃你歸到羅幃翠被生寒此恨誰知無計
畱連閣不住淚眼愁眉合前前腔下西風黃葉亂飛
染寒烟衰草自迷盃盤狼籍盃盤狼籍車兒投東馬
兒投西金榜題名切莫歸遲合前前腔這憂愁憑訴
與誰這相思惟我自知你前程萬里你前程萬里一
躍龍門奪錦榮歸休戀紅粧使故人憔悴合前一撮
棹山光暮連古道接長堤催行色人影亂夕陽低人
去也鬆金釧減玉肌但願取封妻子耀門閭

草橋驚夢

步步嬌昨日翠被香濃薰麝軟珊枕把身軀起臉兒
厮搵着仔細端詳幾曾經離別看雲鬢玉梳斜恰似
半吐初生月江兒水旅館軟單枕寒蛩鳴四野助人
愁紙窗外風兒裂這孤眠被兒薄衾兒怯冷冷清清幾
時溫得熱有限姻緣方寧帖無柰功名何苦使人離
別清河水串打孩店房中沒話說悶對如秋夜暮雨
催寒蛩曉風吹殘月今宵酒醒何處也香柳娘走荒
郊曠野走荒郊曠野把不住心嬌體怯喘吁吁難將
兩氣接瞞過了能拘管的夫人穩住厮齊攢的侍妾
疾忙趕上者為恩情怎捨因此不憚路途賒誰曾經

這磨滅（前腔）想着臨行上馬、想着臨行上馬、其實痛嗟、
哭得似痴呆、瘦得我甚、嗶嗶、別離剛半晌、又早掩過、
翠裙三四褶、看清霜滿路、高下路迴折、我這裡奔馳、
他在何困歇（前腔）是人可分說、是人可分說、是鬼疾、
速滅、聽罷語言兒、將香羅袖兒拽、且停睛看者、原來、
是小姐為人、能為徹、將衣袂不籍、將衣袂不籍、綉鞋、
兒都被路泥惹、脚跟兒敢踏破也（前腔）想着你忘食廢、
寂、想着你忘食廢、放不下些、到如今香消玉滅、花、
開花謝、你衾寒枕冷、鳳分與鸞拆、月缺被雲遮、這牽、
腸掛肚、這牽腸掛肚、到如今義斷與恩絕、尋思來甚、

傷嗟前腔想人生在世想人生在世最苦是離別關
山萬里獨自跋涉休道一時花殘與月缺瓶墜寶簪
折總春嬌怎惹總春嬌怎惹生則願同衾死則願同
穴傍粧臺絳河斜綠依依牆高柳半遮靜悄悄門掩
清秋夜暗慘慘雲霧穿窻月驚覺來顫巍巍竹影龍
蛇走虛飄飄莊周夢蝴蝶砧聲嚮聽不絕急煎煎好
夢應難捨尾聲柳絲長情牽惹冷清清獨自嗟嬌滴
滴玉人何處也

泥金報喜

集賢賓眼前悶懷濃似酒一半在眉頭離了眉頭又

在心頭有惡思量無了無休腰肢似柳怎當他又添
憔悴新愁與舊愁厮混了難分新舊前腔曾經憔悴
擔此憂恁每徧猶閑不似今番情最陡悶來時獨上
危樓簾垂玉鈎空目斷山明水秀慢凝眸見衰草連
天野渡橫舟

不是路暗想當初將欲從軍憔悴死一封書半萬賊
兵剪草除負佳期閃得恩情兩下離只為蟾宮折桂
枝這相思天涯海角心相似此情難寄皂角兒帶圍
寬瘦損腰肢意懸懸懶拈針指害相思病染厭厭淋
漓袖萬千紅淚莫不是怕黃昏挨白晝象床閑羅衾

冷、這般滋味。合冤家一去，歸無定期。嘆分離、天邊月
缺，也有圓時。前腔去時節、黃葉亂飛，到如今、落紅堆
砌。要相逢、千難萬難，不是俺別時容易。莫不是、醉銀
箏、歌彩袖、戀秦樓、迷楚館、把奴抛弃。合前尾聲離愁
萬種、千言語、准備歸來訴與。只恐相逢無一句。
鎖寒窗只因他去，減我風流。寄書來、又添消瘦。桂子
新秋、盼書又是梅花時候。悶來無語、強擡頭、書在手
淚盈眸。醉扶歸我這裏、開時有淚沾衣袖。他那裡、修
時未、寫淚先流。悶時開、拆悶時修。淚痕兒、都把書濕
透。正是一重愁、番做兩重愁。寄來書、淚點從來有。前

西廂月底曾相守。瓊林宴上。恁遨遊。跳東牆却去。
占鰲頭。惜花心。養成折桂手。到如今。晚粧樓。改作志。
公樓。朝陽鳥。便是鸞鳳友。紅衲襖。這汗衫。便和他一。
處宿。想着我。體溫存。貼着他皮肉。常不離了他前後。
緊守着。他左右。當初五言詩。緊趁逐。後來七絃琴。成。
配偶。如今功名成就也。只怕撇人在腦背後。前腔。湘。
江兩岸秋。當日呵。娥皇因虞舜熱。西廂淚雨流。今日。
爲鶯爲君瑞。憂。逐宵旅店房中宿。你將色襖兒做枕。
頭。水浸雨濕休教扭。乾來時。更不問褶皺。一件件與。
我仔細收留也。是必休忘舊。